

BOSNA I HERCEGOVINA
FEDERACIJA BOSNE I HERCEGOVINE
ZENIČKO-DOBOJSKI KANTON
KANTONALNO TUŽILAŠTVO-TUŽITELJSTVO
Broj: T04 0 KT 0060268 24
Zenica, 18.06.2026. godine

OPĆINSKOM SUDU U TEŠNJU
-Sudiji za prethodno saslušanje-
TEŠANJ

Na osnovu člana 45. stav 2. tačka h), člana 241. stav 1. i člana 242. ZKP F BiH podižem

OPTUŽNICU

Protiv:

X. S., ...,

što je:

dana 05.09.2024. godine, oko 14:00, sati, na području općine Doboj Jug, na magistralnom putu M-17, upravljajući putničkim motornim vozilom marke „...“, njemačkih registarskih oznaka ... iz smjera Zenice u smjeru Doboja, vozio neoprezno i nedovoljno pažljivo, jer je dolaskom u mjesto, u ulici ..., suprotno odredbama člana 39. stav 1. Zakona o osnovama sigurnosti saobraćaja na putevima u BiH, iako je bio svjestan da svojom vožnjom može tako ugroziti javni promet da dovede u opasnost živote ljudi ili imovinu većih razmjera, ali je olako držao da do toga neće doći ili da će moći spriječiti, vozeći tako prešao na saobraćajnu traku namijenjenu za vozila koja se kreću iz suprotnog smjera, kojom se u tom momentu, u svojoj saobraćajnoj traci, iz pravca Doboja u pravcu Zenice kretalo vozilo marke „...“, mađarskih registarskih oznaka ..., kojim je upravljao T. J. I., uslijed čega je prednjim lijevim dijelom svog vozila udario u prednju lijevu stranu vozila marke „...“, kojom prilikom je njegova saputnica X. M. zadobila povrede u vidu nagnječenja glave u predjelu čela i lica, potresa mozga, preloma čeone kosti i sinusa, rezdermonagnječne rane na čelu koje povrede po svom sveukupnom djelovanju predstavljaju teške telesne povrede, dok je T. J. I. zadobio lake tjelesne povrede u vidu nagnječenja lijeve potkoljenice sa krvnim podlivom i prijeloma srednjeg dijela lisne kosti lijeve potkoljenice bez pomaka ulomaka,

dakle, iz nehata, kao učesnik u saobraćaju na putevima, koji se ne pridržava saobraćajnih propisa, ugrozio javni promet da je doveo u opasnost živote ljudi, uslijed čega je prouzrokovana teška tjelesna povreda jedne osobe,

čime je počinio krivično djelo Teška krivična djela protiv sigurnosti javnog prometa iz člana 336. stav 3. u vezi sa članom 332. stav 3. u vezi sa stavom 1. KZ F BiH.